



კავკასიის უნივერსიტეტი

კავკასიის ბიზნესის სკოლა

საგანმანათლებლო პროგრამის დასახელება	მენეჯმენტის ინგლისურენოვანი სადოქტორო პროგრამა
--------------------------------------	--

საგანმანათლებლო პროგრამის დასახელება ინგლისურ ენაზე	PhD Program in Management
---	---------------------------

უმაღლესი აკადემიური განათლების საფეხური	დოქტორანტურა
---	--------------

სწავლების ენა	ინგლისური
მისანიჭებელი კვალიფიკაცია, კოდი	0203
ქართულად:	მენეჯმენტის დოქტორი
ინგლისურად:	PhD of Management
პროგრამის დამტკიცების თარიღი	25.09.2018
პროგრამის ხელმძღვანელი	ელენე ჯღარკავა დოქტორი, კავკასიის უნივერსიტეტის ასოცირებული პროფესორი კავკასიის ბიზნესის სკოლის დეკანი +995 595 300885; ejgarkava@cu.edu.ge

პროგრამის მოცულობა კრედიტების მიხედვით	<p>სადოქტორო პროგრამის ოფიციალური ხანგრძლივობაა 3 წელი (6 სემესტრი). პროგრამის მაქსიმალური ხანგრძლივობაა 5 წელი (10 სემესტრი). სადოქტორო პროგრამა მოიცავს სასწავლო კომპონენტს (60 ECTS კრედიტი) და კვლევით კომპონენტს, რომელიც სრულდება არანაკლებ 2 წელში (4 აკადემიური სემესტრი).</p> <p>სასწავლო წელი აგებულია სემესტრული პრინციპით. ყველა სასწავლო კურსი არის ერთ სემესტრიანი. სემესტრი არის დროის პერიოდი, რომელიც მოიცავს სასწავლო კვირათა ერთობლიობას. სასწავლო კვირა მოიცავს როგორც საკონტაქტო, ასევე დამოუკიდებელ საათებს. სემესტრი შეიძლება მოიცავდეს 2 (ინტენსიური სწავლების რეჟიმის შემთხვევაში) ან 16 კალენდარულ კვირიან პერიოდს. სემესტრში სასწავლო კვირათა რაოდენობა დგინდება ყველა მიღებისთვის ინდივიდუალურად.</p> <p>1 ECTS კრედიტი უდრის 25 საათს, რაც მოიცავს, როგორც დოქტორანტის საკონტაქტო დატვირთვის დროს (ლექცია, სემინარი, გამოკითხვა და სხვა), ასევე დამოუკიდებელი მუშაობისათვის განკუთვნილ დროს.</p> <p>მენეჯმენტის სადოქტორო პროგრამა შედგება სასწავლო (60 ECTS კრედიტი) და კვლევითი</p>
--	--

კომპონენტებისგან. სასწავლო კომპონენტი მოიცავს სავალდებულო სასწავლო სემინარებს, მეთოდოლოგიურ საგნებს (34 ECTS კრედიტი), არჩევით სემინარს (6 ECTS კრედიტი) და სწავლება-ასისტენტობის კომპონენტს (20 ECTS კრედიტი). პროგრამაში წარმოდგენილია ორი არჩევითი სემინარი, რომელთაგან დოქტორანტმა უნდა აირჩიოს ერთ-ერთი. კვლევითი კომპონენტი წარმოდგენილია დისერტაციის სახით. დოქტორანტი დისერტაციის დაცვამდე ვალდებულია მონაწილეობა მიიღოს სამეცნიერო კონფერენციაში (წარადგინოს საკონფერენციო ნაშრომი პირადად) სადისერტაციო თემატიკის მიმართულებით. კვლევით კომპონენტზე რეგისტრაციის შემდგომ დოქტორანტი ვალდებულია, წარმოადგინოს სემესტრული ანგარიში განხორციელებული სამუშაოს შესახებ, წინასწარ დადგენილი ფორმის შესაბამისად.

პროგრამაზე დაშვების წინაპირობები*

- ✓ მაგისტრის ან მასთან გათანაბრებული აკადემიური ხარისხის დამადასტურებელი დიპლომი. აპლიკანტს დასრულებული უნდა ჰქონდეს აკრედიტებული უმაღლესი საგანმანათლებლო პროგრამა.
- ✓ მინიმუმ B2 დონის ინგლისური ენის ცოდნის დამადასტურებელი სერტიფიკატი ან ინგლისურენოვანი საბაკალავრო ან სამაგისტრო პროგრამის დასრულების დამადასტურებელი დიპლომი ან ბიზნესის სკოლის ინგლისური ენის მისაღები გამოცდის მინიმუმ B2 დონეზე ჩაბარება;
- ✓ კავკასიის ბიზნესის სკოლაში მისაღები გამოცდის ჩაბარება მათემატიკაში;
- ✓ სამოტივაციო წერილი ინგლისურ ენაზე კვლევითი ინტერესის შესახებ;
- ✓ ორი სარეკომენდაციო წერილი (ინგლისურ ენაზე) ბიზნესის სკოლის მიმღები კომისიის სახელზე;
- ✓ კავკასიის ბიზნესის სკოლის მიმღებ კომისიასთან გასაუბრების წარმატებით გავლა.

* მიღების ვადები მტკიცდება მიმღები კომისიის მიერ და ქვეყნდება პროგრამის ვებ-გვერდზე.

სწავლებისა და სწავლის მეთოდები

- ვერბალური, ანუ ზეპირსიტყვიერი მეთოდი;
- წერითი მუშაობის მეთოდი;
- დისკუსია/დებატები;
- ჯგუფური მუშაობა;
- თანამშრომლობითი სწავლება;
- ინდუქცია, დედუქცია, ანალიზი და სინთეზი;
- ახსნა-განმარტებითი მეთოდი;
- პრობლემაზე დაფუძნებული სწავლება;
- ელექტრონული სწავლება.

პროგრამის საკვალიფიკაციო დახასიათება

<p>პროგრამის მიზანი</p>	<p>სადოქტორო პროგრამის მიზანია, ბიზნესის ადმინისტრირების მიმართულების მენეჯმენტის დარგში მოამზადოს მკვლევარი, რომელსაც ექნება სიღრმისეული თეორიული ცოდნა და კვლევის ჩატარებისათვის საჭირო მეთოდოლოგიური უნარ-ჩვევები ორგანიზაციული ქცევის და ორგანიზაციული თეორიის ან ლიდერობის მიმართულებით. სადოქტორო პროგრამა ორიენტირებულია მოამზადოს მკვლევარი, რომელსაც ექნება კვლევის დამოუკიდებლად დაგეგმვისა და ჩატარების უნარი. ახალი ცოდნის შექმნასთან ერთად პროგრამის მიზანია, დოქტორანტი დაეუფლოს სწავლების საუკეთესო მეთოდებსა და ცოდნის გადაცემის უნარ-ჩვევებს. ასევე, პროგრამის მიზანია კურსდამთავრებულს გააჩნდეს აკადემიური ეთიკის ნორმები და საერთაშორისო დონეზე მოახდინოს საკუთარი თავის ინტეგრირება აკადემიური საზოგადოების სხვადასხვა ასპარეზზე.</p>
<p>პროგრამის სწავლის შედეგები</p>	<ol style="list-style-type: none"> 1. კურსდამთავრებულს ექნება უახლეს მიღწევებზე დამყარებული სიღრმისეული ცოდნა მენეჯმენტის შემდეგ მიმართულებებში - ორგანიზაციული ქცევა, ორგანიზაციული თეორია ან ლიდერობა; ასევე რადენობრივი და თვისებრივი კვლევის უახლესი მეთოდების ცოდნა, რაც მისცემს მას საშუალებას აწარმოოს მაღალი რეიტინგის პუბლიკაციის დონის კვლევა მენეჯმენტის მიმართულებით. 2. კურსდამთავრებული შეძლებს თანამედროვე და ინოვაციური კვლევის დამოუკიდებლად დაგეგმვას, განხორციელებასა და ზედამხედველობას მენეჯმენტის ქვედარგებში და ახალი ცოდნის შექმნას ორგანიზაციული ქცევის, ორგანიზაციული თეორიის ან ლიდერობის მიმართულებით. 3. კურსდამთავრებული შეძლებს კვლევის დაგეგმვამდე და კვლევის განხორციელების პროცესში წამოჭრილი ახალი, რთული და წინააღმდეგობრივი იდეებისა და მიდგომების კრიტიკულ ანალიზს, სინთეზსა და შეფასებას; ასევე მოულოდნელად წამოჭრილი გარემოებების შემთხვევაში საჭირო გადაწყვეტილებების დამოიკიდებლად მიღებას. 4. კურსდამთავრებული შეძლებს კვლევით ჯგუფში წარმატებულ მონაწილეობას განსხვავებულ დროსა და სივრცეში თანამედროვე საინფორმაციო და საკომუნიკაციო ტექნოლოგიური არხების გამოყენებით. 5. კურსდამთავრებული შეძლებს არსებული ცოდნის, ახალი კვლევის შედეგისა და ახალი პარადიგმების შესახებ საერთაშორისო დონეზე თემატურ პოლემიკაში მონაწილეობას. 6. უახლეს მიღწევებზე დამყარებული ცოდნიდან გამომდინარე, კურსდამთავრებულს შეეძლება ახალი მიგნებებისა და იდეების განვითარება. 7. კურსდამთავრებულს შეეძლება გაიაზროს, იკვლიოს და დაამკვიდროს აკადემიური და პროფესიული ეთიკის უმაღლესი სტანდარტები.
<p>დასაქმების</p>	<p>პროგრამის კურსდამთავრებულის დასაქმების სფეროებია:</p>

სფეროები	<ul style="list-style-type: none"> ⇒ საგანმანათლებლო დაწესებულებები, ⇒ სამეცნირო და კვლევითი დაწესებულებები, ⇒ ანალიტიკური კვლევითი ცენტრები, ⇒ მენეჯმენტ კონსალტინგური კომპანიები, ⇒ სახელმწიფო და კერძო სექტორის ანალიტიკური და კვლევითი დეპარტამენტები, ⇒ კერძო კომპანიების მაღალი რგოლის მენეჯერული პოზიციები.
----------	--

სასწავლო გეგმა

№	საგნის კოდი	წინაპირობა	სტატუსი	საგანი/მოდული	წელი					
					I		II		III	
					ECTS კრედიტი					
					I სემესტრი	II სემესტრი	III სემესტრი	IV სემესტრი	V სემესტრი	VI სემესტრი
1.	SIWR 6111m	არ აქვს	სავალდებულო	სამეცნიერო წერის მეთოდოლოგია	6					
2.	TEME 6112m	არ აქვს	სავალდებულო	სწავლების მეთოდოლოგია	2					
3.	REDE 6121m	SIWR 6111m	სავალდებულო	კვლევის დიზაინი		4				
4.	SEM 6113m	არ აქვს	სავალდებულო	ორგანიზაციული ქცევა	6					
5.	SEM 6122m	SEM 6113m	არჩევითი	ორგანიზაციული თეორია		6*				
6.	SEM 6123m	SEM 6113m	არჩევითი	ლიდერობა						
7.	REME 6114m	არ აქვს	სავალდებულო	რაოდენობრივი კვლევის მეთოდები	6					
8.	REME 6124m	არ აქვს	სავალდებულო	ტექსტის ანალიზი		4				
9.	REME 6125m	REME 6114m	სავალდებულო	მრავალცვლადიან მონაცემთა ანალიზი		6				
10.	TEAS 6126m	TEME 6112m	სავალდებულო	ასისტირება		2				
11.	TRPR 6211m	TEME 6112m, REDE 6121m	სავალდებულო	სწავლება და/ან ასისტირება			6			
12.	TRPR 6221m	TEME 6112m, REDE 6121m	სავალდებულო	სწავლება და/ან ასისტირება				6		
13.	TRPR 6311m	TEME 6112m, REDE 6121m	სავალდებულო	სწავლება და/ან ასისტირება					6	
14.	DISS 6321m	ყველა საგანი და კონფერენციაში მონაწილეობა	სავალდებულო	დისერტაცია			X	X	X	X

* შენიშვნა: მეორე სემესტრში წარმოდგენილი ორი არჩევითი სემინარიდან დოქტორანტი ირჩევს ერთ-ერთს.